

類症普濟本事方卷第三

治風寒濕痺白虎瘰節走注諸病

續斷丸 治風濕四肢浮腫肌肉麻痺甚則手足無

力筋脉緩急 却君子方

川續斷

川草薢

當歸 切微炒

附子

防風

天麻 各一兩

乳香

沒藥 各半兩

川芎 三分

右為細末煉蜜丸如梧子大每服三四十九丸或酒

或飲下空心食前服

增損續斷丸

治營衛澁少寒濕從之痺滯關節不

利而痛者 王吉老方

川續斷

薏苡仁

牡丹皮

桂心

山芋

白茯苓

山茱萸

黃芪

石斛

麥冬 各一兩

乾地黄 三兩

人參

防風 灸

白朮

鹿角膠 各七錢

右為細末煉蜜丸如梧子大每服三四十九溫酒  
下空心食前服

川烏粥法

治風寒濕痺麻木不仁

川烏 生為末

用香熟白米作粥半碗菜末四錢全米用慢火熬  
熟用稀薄不要稠下薑汁一茶匙許蜜三大匙攪  
勻空心啜之為佳如若中濕更入薏苡仁末二錢  
增米作一中碗服

此粥大治手足四肢不遂腫痛不能舉者有此症  
預服防之左氏云風淫末疾謂四肢為四末也脾  
主四肢風邪客于肝則淫脾脾為肝剋故疾在四  
末穀氣引風濕之藥徑入脾經故四肢得安此湯  
劑極有力予常製此方以授人服者良驗

薏苡仁散

治濕傷腎腎不養肝肝自生風遂成風

濕流注四肢筋骨或入左肩髃肌肉疼

痛漸入左指中

薏苡仁 一兩

當歸

小川芎

乾薑

甘艸

官桂

川烏

一方無此

防風

茵芋

人參

羌活

白朮

麻黃

獨活 各半兩

右為細末每服二錢空心臨卧酒調下日三服

芎附散 治五種痺腿并臂間發作不定此脾胃虛

衛氣不温分肉為風寒濕所著

小川芎

防風

黃芪

白朮

附子

熟乾地黃

當歸

桂心

柴胡

甘草

各等分

右為粗末每服四錢水一盞半生薑三片棗一枚  
全煎至七分去渣食前日三服常服不生壅熱  
消積冷

麝香圓

治白虎癱節諸風疼痛遊走無定狀如虫

嚙晝靜夜劇及一切手足不測疼痛

大川烏

八角者三個

全蝎

二十一個生

黑豆

二十一個生用

地龍

半兩生

右為細末入麝半字全研勻糯米糊為丸如菘豆  
大每服七丸甚者十九夜卧令曷空温酒下微出  
冷汗一身便差

予得此方凡是癩節及不測疼痛一二服便差在  
歙州日有一貴家婦人徧身走注疼痛至夜則發

如虫嚙其肌多作鬼邪治予曰此正癩節痛也三服愈

麻黃散 癩節宜發汗

麻黃

一兩一分

羌活

一兩

華陰細辛

黃芪

各半兩

黃芩

三分

右為粗末每服五錢水二盞煎至八分去渣溫服  
接續三四服有汗慎風

茵芋圓

治歷節腫滿疼痛



茵芋

硃砂

薏苡仁 各一分

郁李仁 半兩

牽牛子 半兩

右為細末煉蜜丸如桐子大輕粉滾為衣每服十丸至十五及二十五丸五更初溫水下到晚未利再服二三服快利為度白粥將息

牛蒡子散 治風熱成癰節攻手指作赤腫麻木甚

則攻肩背兩膝遇暑熱或大便秘即發

作

牛蒡子 三兩

新豆豉 炒

羌活 各一兩

黃芪 一兩半

生地黄 二兩半

右為細末湯調二錢服空心食前服日三服此病

多胸高生痰久則赤腫附着肢節久久不退遂成

厲風此孫真人所預戒也宜早治之

草麻法 治厲風手指攣曲節間疼不可忍漸至斷

落

草麻 去皮

黃連 剉如豆各二兩

右以小瓶子入水一升全浸春夏三日秋冬五日  
後用葶麻子一粒劈破面東以浸藥水吞下平旦  
服漸加至四五粒微利不妨水少更添忌動風物  
累用得效神良

柏葉散 治厲風

柏葉

麻黃

山梔子

枳殼

羌活

羊肝石

白蒺藜

升麻

子芩

防風

牛蒡子

荊芥

充蔚子

大黃 各半兩

苦參 一兩

烏蛇 一條

右為細末每服二錢溫水調下日七八服 方 龐老。

綠靈散 治風毒瘡如大風疾

用桑葉洗蒸熟日乾為末水調二錢服日四五服

無時出經驗

越痛丸 治走注癱節諸風軟痛卒中倒地跌撲損

傷

艸烏頭

三兩不熟  
去皮尖

熟地黄

南星

半夏麩

白僵蚕

烏藥

各半兩  
並日乾

右為細末酒和丸如梧子大日乾每服五七粒空心夜卧温酒下如跌撲用薑棗汁和酒研十數粒搽之如卒中倒地薑汁茶清研五六丸灌下立醒

大智禪  
師方

烏頭丸

治宿患風癱徧身黑色肌體如木皮膚粗

澁及四肢麻痺

草烏頭一觔入竹籬子內以水浸用瓦子于籬內就水中瀧洗如打菱角法直候瀧洗去外皮及尖取起令乾用麻油四兩鹽四兩入銚內炒令深黃色傾出油只留鹽并烏頭再炒令黑色烟出為度取一枚劈破心內如米一點白則恰好如白多再炒趁熱杵羅為末用醋和丸如梧子大乾之每服三十九空心晚食前溫酒下 真州資福菴文雅

白老元佑間有此疾服數年肌體黑黥頓除脚力  
強健視聽不衰有一宗人徧身紫癩風身如墨服  
踰年肢體悅澤教予服之亦得一年許諸風疹瘡  
皆除然性差熱雖制去毒要之五七日作烏頭粥  
啜之為佳粥法用豫章集中者

治風痰停飲痰癖嗽

化痰圓 治停痰宿飲

半夏

湯洗七次別末

人參

白茯苓

白朮

桔梗 切作小片姜汁浸  
各一兩

枳實

香附

前胡

甘艸

各半  
兩

右為細末用薑棗半夏末煮和丸如梧子大每服

三四十九薑湯下

三生丸 治中脘風痰涎飲眩暈嘔吐酸水頭疼惡

心

半夏

二兩

南星

白附子

各一兩



右俱生為末滴水丸如桐子大以生麵滾為衣陰乾每服十九至二十九生薑湯下

旋覆花湯

治心腹中脘痰水冷氣心下汪洋嘈雜

腸鳴多唾口中清水自出脇肋急脹痛

不欲食此胃氣虛冷所致其脉沉弦遲

細

旋覆花

細辛

橘皮

桂心

人參

甘艸